

## Učešće Ekonomskog fakulteta Brčko na Danu otvorenih vrata za područje Istočnog Sarajeva

U okviru Dana otvorenih vrata za područje Istočnog Sarajeva, kojom je završena promocija Univerziteta u Istočnom Sarajevu po regijama, na [manifestaciji u Palama](#), 31. marta 2023. godine, predstavio se i Ekonomski fakultet Brčko.

Na promociji su govorili prorektor za nauku, istraživanje i razvoj, prof. dr Jelena Krunić, gradonačelnik Istočnog Sarajeva Ljubiša Ćosić i predsjednik Studentskog parlamenta Univerziteta, student Milan Savić.

Prorektorica Univerziteta, prof. dr Jelena Krunić, govorila je o Univerzitetu u Istočnom Sarajevu – prvom akreditovanom univerzitetu u BiH, besplatnom školovanju i smještaju, društvenom životu i mogućnostima upisa na jedan od 49 studijskih programa i drugim pogodnostima koje nudi Univerzitet u Istočnom Sarajevu.



Gradonačelnik Istočnog Sarajeva, Ljubiša Ćosić, govorio je o prednosti studiranja na Univerzitetu u Istočnom Sarajevu, mogućnostima stipendiranja i potrebi da studenti nakon završetka studija ostanu u Republici Srpskoj i Bosni i Hercegovini.



Predsjednik Studentskog parlamenta Univerziteta, student Milan Savić, govorio je o aktivnostima studenata, mogućnostima učešća na univerzijadama i drugim sportskim, kulturnim i zabavnim sadržajima.

Pozvao je buduće studente da se upišu na neki od fakulteta ili akademija Univerziteta.

Na kraju, poslije muzičkog dijela manifestacije, nadahnuto i govornički vješto, obratila se i višestruka pobjednica u besjedništvu, studentkinja treće godine Pravnog fakulteta Savka Dodić, rodom iz Brčkog.

Savka je biranim riječima pozvala učenike srednjih škola da se upišu na jedan od 15 fakulteta ili jednu od dvije umjetničke akademije Univerziteta u Istočnom Sarajevu.



Učenici srednjih škola iz Istočnog Novog Sarajeva, Istočne Ilidže, Han Pijeska, Sokoca, Pala, Rogatice, Višegrada, Rudog i Čajniča obišli su štandove pojedinih fakulteta i akademija.



Prilikom posjete štandu Ekonomskog fakulteta Brčko, učenici su pokazali veliko interesovanje za studiranje u Brčkom, na Ekonomskom fakultetu.



Budući studenti su pažljivo pregledali promotivni materijal na kojem su mogli da pronađu konkretne informacije o prijemnom ispitu na prvom upisnom roku (26.6.2023. godine) i raspitali se o pojedinostima u vezi sa načinom polaganja prijemnog ispita, uslovima studiranja, studijskim programiam i smjerovima i kulturnom, sportskom i zabavnom životu u Brčkom.



Ovom manifestacijom završena je regionalna promocija Fakulteta.

Fakultet nastavlja s lokalnom promocijom u srednjim školama u Brčkom i u susjednim opštinama, i na sajmu obrazovanja u maju mjesecu, u organizaciji Omladinskog centra „Vermont“ koji, u saradnji sa Zavodom za zapošljavanje i Vladom Brčko distrikta BiH, već tradicionalno, po peti put, organizuje Sajam obrazovanja i zapošljavanja u Brčkom na kojem će se okupiti učenici i predstavnici srednjih škola Brčko distrikta BiH i lokalni privrednici.